

# Anzeigebblatt

für die Erzdiöcese Freiburg.

Nro. 26.

Freiburg, den 23. November 1870.

XVI. Jahrgang.

## PIUS PP. IX.

### AD FUTURAM REI MEMORIAM.

Postquam Dei munere Oecumenici Vaticani Concilii celebrationem inire anno proxime superiori Nobis datum est, vidimus sapientia virtute ac sollicitudine Patrum qui ex omnibus orbis terrarum partibus frequentissimi convenerant maxime adnitente, ita res gravissimi hujus et sanctissimi operis procedere, ut spes certa Nobis affulgeret eos fructus quos vehementer optabamus, in Religionis bonum et Ecclesiae Dei humanaeque Societatis utilitatem ex illo fore feliciter profecturos. Et sane jam quatuor publicis ac solemnibus Sessionibus habitis salutare atque opportuna in causa fidei Constitutiones a Nobis eodem sacro approbante Concilio editae ac promulgatae fuerunt, aliaque tum causam fidei tum ecclesiasticae disciplinae spectantia ad examen a Patribus revocata, quae suprema docentis Ecclesiae auctoritate brevi sanciri ac promulgari possent. Confidebamus istiusmodi labores communi Fraternitatis studio ac zelo suos progressus habere, et ad optatum exitum facili prosperoque cursu perducere posse; sed sacrilega repente invasio hujus Almae Urbis, Sedis Nostrae, et reliquarum temporalis Nostrae ditionis regionum, qua contra omne fas civilis Nostrae et Apostolicae Sedis Principatus inconcussa jura incredibili perfidia et audacia violata sunt, in eam Nos rerum conditionem coniecit, ut sub hostili dominatione et potestate, Deo sic permittente ob imperscrutabilia judicia sua, penitus constituti simus. In hac luctuosa rerum conditione, cum Nos a libero expeditoque usu supremae auctoritatis Nobis divinitus collatae multis modis impediamur, cumque probe intelligamus minime ipsis Vaticani Concilii Patribus in hac alma Urbe praedicto rerum statu manente, necessariam libertatem securitatem tranquillitatem suppetere et constare posse ad res Ecclesiae Nobiscum rite pertractandas, cumque praeterea necessitates Fidelium, in tantis iisque notissimis Europae calamitatibus et motibus, tot Pastores a suis Ecclesiis abesse haud patientur; idcirco Nos, eo res adductas magno cum animi Nostrae moerore perspicientes, ut Vaticanum Concilium tali in tempore cursum suum omnino tenere non possit, praevia matura deliberatione, motu proprio ejusdem Vaticani Oecumenici Concilii celebrationem usque ad aliud opportunius et commodius tempus per hanc Sanctam Sedem declarandum, Apostolica auctoritate tenore praesentium suspendimus, et suspensam esse nunciamus, Deum adprecantes auctorem et vindicem Ecclesiae Suae, ut submotis tandem impedimentis omnibus Sponsae Suae fidelissimae ocius restituat libertatem ac pacem. Quoniam vero quo pluribus et gravioribus periculis malisque vexatur Ecclesia, eo magis instandum est obsecrationibus et orationibus nocte ac die apud Deum et Patrem Domini Nostrae Jesu Christi, Patrem misericordiarum et Deum totius consolationis, volumus ac mandamus, ut ea quae in apostolicis litteris die 11. Aprilis anno proxime superiori datis, quibus indulgentiam plenariam in forma Jubilaei occasione Oecumenici Concilii omnibus Christifidelibus concessimus, a Nobis disposita ac statuta sunt, juxta modum et rationem iisdem litteris praescriptam in sua vi firmitate et vigore permaneant, perinde ac si ipsius Concilii celebratio procederet. Haec statuimus nunciamus volumus mandamus, contrariis non obstantibus quibuscumque; irritum et inane decernentes si secus super his a quoquam quavis auctoritate scienter vel ignoranter contigerit attentari. Nulli ergo omnino hominum liceat hanc paginam Nostrorum suspensionis nunciationis voluntatis mandati ac decreti infringere vel ei ausu temerario contraire, si quis autem hoc attentare praesumpserit, indignationem Omnipotentis Dei et Beatorum Petri ac Pauli Apostolorum Ejus se noverit incursum. Ut autem eadem praesentes litterae omnibus quorum interest innotescant, volumus illas seu earum exempla ad valvas Ecclesiae

Lateranensis et Basilicae Principis Apostolorum nec non S. Mariae Majoris de Urbe affigi et publicari, sicque publicatas et affixas omnes et singulos quos illae concernunt perinde arctare, ac si unicuique eorum nominatim et personaliter intimatae fuissent.

Datum Romae apud S. Petrum sub annulo Piscatoris die 20. Octobris Anno MDCCCLXX.

Pontificatus Nostri Anno vicesimoquinto.

N. CARD. PARACCIANI CLARELLI.

Indem ich obiges Apostolische Schreiben des hl. Vaters zur öffentlichen Kenntniß bringe, beauftrage ich die hochwürdigsten Seelsorger der Erzdiocese Freiburg, die Gläubigen darauf aufmerksam zu machen, daß der hl. Vater zwar die Fortsetzung des allgemeinen Concils unter den gegenwärtigen Umständen vertagt aber ausdrücklich erklärt hat, daß der von ihm für die Zeit des Concils bewilligte Jubiläumsablaß fortdauern soll, und daß darum die in unserm Hirten Schreiben vom 23. Mai v. J. (Anzeigbl. 1869 Nr. 8) getroffenen Anordnungen in Kraft bleiben.

Freiburg, den 15. November 1870.

† **Lothar von Kübel,**  
Erzbisthumsverweser.

Apostolisches Schreiben **Er. Heiligkeit des Papstes Pius IX.** betr.

Indem ich unten den lateinischen Text des Apostolischen Schreibens, welches der hl. Vater unterm 28. v. M. an mich, sowie an alle jene deutschen Bischöfe erlassen hat, die den gemeinsamen Fuldaer Hirtenbrief unterzeichnet, veröffentliche, hege ich das zuversichtliche Vertrauen, daß der hochw. Clerus der Erzdiocese Freiburg, welcher unter der heldenmüthigen Führung des Hochsel. Erzbischofs Hermann, glorreichen Andenkens, in den schwierigsten Zeiten und herbsten Kämpfen durch sein einträchtiges, muthiges und opferwilliges Einstehen für die Sache Christi und Seiner hl. Kirche die Bewunderung des ganzen kathol. Erdkreises sich zugezogen, auch jetzt die in dem nachstehenden Schreiben niedergelegten wahrhaft Apostolischen Worte des hl. Vaters sich wohl zu Herzen nehmen und darnach sein Verhalten einrichten werde. Fester denn je müssen wir jetzt an den Felsen uns anschließen, welchen Christus zum Fundament Seiner Kirche gemacht und wodurch Er sie in der Einheit und Einigkeit erhält. „Wo Petrus, da ist die Kirche.“ Dieses Wort des hl. Ambrosius (in Ps. 40) war das Axiom des katholischen Alterthums, und soll es auch jetzt und immer sein. Mehr denn je gilt jetzt die Mahnung des hl. Apostels Paulus: „Ich bitte euch, Brüder, durch den Namen unseres Herrn Jesu Christi, daß ihr Alle einerlei Sprache führet, und keine Spaltungen unter euch seien: daß ihr vielmehr vollkommen Eines Sinnes und Einer Meinung seid.“ (1 Cor. 1, 10.) „Seid beflissen Einigkeit des Geistes zu erhalten durch das Band des Friedens.“ (Ephes. 4, 3.) „Die Einheit,“ wie der hl. Augustin sagt (tract. 27 in Joan.) „sollen wir lieben und die Trennung fürchten. Ja nichts soll der Christ so sehr fürchten, als vom Leibe Christi sich zu trennen. Trennt er sich nehmlich vom Leibe Christi, so ist er nicht mehr dessen Glied. Ist er nicht dessen Glied, so wird er nicht vom seinem Geiste belebt. Wer aber, sagt der Apostel, den Geist Christi nicht hat, der gehört Ihm nicht an.“ — Die Einheit bewahren wir aber nur dann, wenn wir Alle demüthigen Herzens dem vom Sohne Gottes in Seiner Kirche eingesetzten unfehlbaren Lehramte uns unterwerfen. Nur so „gelangen wir zur Einheit des Glaubens und der Erkenntniß des Sohnes Gottes, zur vollkommenen Mannheit, zum Maaße des vollen Alters Christi,“ nur so „sind wir nicht mehr Kinder, die hin- und herschwanken und von jedem Winde der Lehre hin- und hergetrieben werden durch Schalkheit der Menschen, durch die arglistigen Kunstgriffe der Verführung zum Irrthum,“ nur so „üben wir Wahrheit in Liebe, und nehmen zu in allen Stücken in Ihm, der das Haupt ist, Christus.“ (Ephes. 4, 13 ff.)

Selbst von diesem Geiste katholischer Einheit und Liebe erfüllt werden die hochw. Seelsorger darin auch die ihnen anvertrauten Gläubigen stärken und befestigen, und sie dadurch sicher stellen gegen die Anfechtungen Solcher, „welche die Obrigkeit verachten, und in ihrer Tollkühnheit und Selbstgefälligkeit sich nicht fürchten, Trennungen einzuführen und zu lästern.“ (2 Petr. 2, 10.) Die hochw. Seelsorger werden insbesondere den Gläubigen die Entstellungen, Verdrehungen und Verdächtigungen enthüllen, welchen das Dogma von der höchsten und unfehlbaren Lehrgewalt des Nachfolgers Petri in der kirchenfeindlichen Presse ausgesetzt ist, und werden dagegen ihnen den wahren Sinn und Bedeutung dieser in der hl. Schrift und Tradition begründeten, von der Kirche stets festgehaltenen und geübten, und nunmehr von dem hl. allgemeinen Vaticanischen Concilium zum förmlichen Glaubenssatz erhobenen Lehre darstellen. Zu diesem Behufe werden sie das auf meine An-

regung verfaßte und mit meiner Guttheißung erschienene Schriftchen: „Die Lehre von der päpstlichen Unfehlbarkeit für das katholische Volk dargestellt und beleuchtet von Dr. F. Schmitt. Freiburg 1870. Herder'sche Verlags-handlung,“ den Gläubigen empfehlen und unter denselben nach Kräften zu verbreiten suchen. —

Freiburg, den 17. November 1870.

† **Lothar von Kübel,**  
Erzbisthumsverweser.

**Venerabili Fratri Episcopo Leucensi i. p. i. Vicario Capitulari Friburgensi.**

## **PIUS PP. IX.**

Venerabilis Frater salutem et Apostolicam Benedictionem. Inter gravissimas afflictiones, quibus improbi homines post multa detestanda facinora conculcatis non solum religionis sed etiam naturalis justitiae et honestatis iuribus tandem calicem amaritudinis Nostrae usque ad summum compleverunt, magnum Nobis et desideratissimum solatium attulit zelus pro domo Dei ac sollicitudo pro integritate fidei catholicae, quam Tu Venerabilis Frater, cum plerisque in Germania Episcopis calamitose hoc tempore demonstrasti, ut luculenter perspeximus ex litteris pastoralibus ad greges vestros directis, quas a Venerabili Fratre Petro Francisco Archiepiscopo Damasceno Nostro apud Bavariae Regem Nuntio ad Nos transmissas accepimus. Communi consilio in civitate Fuldensi congregati pro pastoralis muneris debito docuistis fideles vestrae curae commissos, quanta sit omnibus qui unius, sanctae, catholicae et Apostolicae Ecclesiae membra esse ac manere velint, obligatio et necessitas veritates a Nobis approbante sacro et oecumenico Vaticano Concilio in utraque sessione die 24. Aprilis et 18. Julii definitas, firma fide ut a Deo revelatas credendi ac profitendi; et quantopere ipsis principiis catholicae religionis repugnet eorum hominum assertio, qui dicere non verentur, doctrinam in hoc sacro Vaticano Concilio definitam non contineri in divina Scriptura et Traditione, immo eidem esse contrariam.

Quanto autem acerbiorem schismatica istae et haereticae sententiae animo Nostro tot jam angustiis oppresso addiderunt dolorem; tanto magis laudamus et commendamus Tuam, Venerabilis Frater, et aliorum Episcoporum Germaniae vigilantiam pastorem ad occurrendum ingruentibus his periculis adeo necessariam. Plenior tamen futura fuisset consolatio Nostra, si quo instructio vestra pastoralis esset efficacior, omnium Venerabilium Fratrum, Episcoporum Germaniae nomina iisdem vestris litteris subscripta vidissemus. Nec vero vel minimum dubitamus, quin Antistites illi, quorum nomina desiderantur, omnes aequae intelligant, quam manifestum sacris Pastoribus incumbat officium, greges suos docendi de veritatibus fidei in sacro oecumenico Concilio definitis, quo oves sibi creditas arceant a venenatis et nutriant salutaribus pascuis catholicae doctrinae; quando in istis praesertim regionibus filii quidam superbiae qui se Catholicos nominant, non solum occultis fraudibus sed aperta fronte ipsum fidei catholicae dogma oppugnant. Eo enim devenerunt, ut per libellos in vulgus editos et per publicas ephemerides contra auctoritatem et decreta ipsius oecumenici Concilii atque in primis contra doctrinam fidei in eodem Concilio irreformabili sanctione definitam de Romani Pontificis ex cathedra loquentis infallibilitate rebelles audeant insurgere, et alios in eandem rebellionem ac perditionem trahere conentur.

Mendaciter jactant pro more omnium, qui schismata et haereses unquam disseminarunt, se antiquam fidem catholicam retinere, dum ipsum fundamentale principium catholicae fidei ac doctrinae subvertunt. Licet namque profiteantur Scripturam et Traditionem fontes esse divinae revelationis, magisterium tamen semper vivens Ecclesiae ex Scriptura et Traditione manifestum atque divinitus institutum sicut ad perpetuam custodiam ita ad infallibilem explicationem et declarationem dogmatum quae in Scriptura vel Traditione nobis transmissa sunt, iidem audire detrectant; atque ita se ipsos singuli per suam fallibilem et fallacem scientiam independentem ab auctoritate immo etiam contra auctoritatem hujus divinitus ordinati magisterii constituunt iudices dogmatum, quae in fontibus revelationis contineantur. Quid enim aliud agunt, dum dogma fidei a Nobis approbante sacro Concilio definitum audent dicere non esse veritatem a Deo revelatam et catholica fide credendam, quia ipsi secundum suam intelligentiam illud in Scriptura et Traditione se non reperire affirmant? Quasi vero non is sit ordo fidei a Redemptore nostro in sua Ecclesia institutus semperque retentus, ut ipsa dogmatis definitio haberi debeat per se sola sufficiens, certissima, et omnibus fidelibus accommodata demonstratio, doctrinam definitam contineri in deposito revelationis scriptae vel traditae. Unde tales dogmatum definitiones necessario sunt et quovis tempore fuerunt incommutabilis norma sicut pro fide ita etiam pro scientia catholica, ad cuius munus nobilissimum pertinet ostendere, quomodo doctrina eo ipso sensu, quo definita est, in fontibus revelationis contineatur.

Neque minus iidem homines, quantum in ipsis est, ad Ecclesiae et fidei catholicae subversionem tendunt, dum per calumnias ac praetextus prorsus inanes, quemadmodum in litteris pastoralibus a Te et ab aliis Venerabilibus Fratribus Episcopis Germaniae ad greges vestros directis significare non omisistis, illis suis perniciosissimis scriptis affirmare praesumunt, sive in ipsa definitione sive in promulgatione decretorum Conciliarium ac speciatim dogmatis de Romani Pontificis infallibilitate aliquid defuisse ad plenum valorem et ad plenam auctoritatem Concilii oecumenici constituendam. Sane in hoc sacrosancto oecumenico Concilio assistentiam Spiritus Sancti ad infallibilitatem definitionum negare non possunt nisi ex principiis, quibus universim supernaturali infallibilitate atque adeo proprietati essentiali Ecclesiae catholicae bellum indicitur. Nemo certe ignorat, similibus praetextibus aliorum etiam Conciliorum definitiones ab iis, quorum errores condemnati erant, impugnari consuevisse, quemadmodum notissimae calumniae demonstrant, quibus tum alia oecumenica Concilia ab aliis, tum speciatim Florentinum ac Tridentinum a schismaticis et haereticis recentioribus ad suam perniciem et ad spiritualem ruinam plurimorum impugnata sunt.

Tantam degenerum filiorum perversionem ac tanta pericula in quae improvidos et imperitos, maxime vero incautam juventutem conjiciunt, quomodo possemus sine intimo cordis Nostri dolore et sine amaris lacrymis intueri? Sinum Matris Ecclesiae a qua foti et nutriti sunt, impie lacerant, cibum salutiferum ab ea paratum venenis commutant, atque in superbiam elati scientiam, qua alios erudire deberent ad salutem, in suam et aliorum perditionem convertunt. In hoc igitur fidei et salutis animarum sanguine Christi redemptarum discrimine, pro sollicitudine omnium Ecclesiarum quae Nobis incumbit, hortamur et obsecramus, Venerabilis Frater, Tuum zelum Tuumque amorem erga sponsam Jesu Christi catholicam Ecclesiam, ut Tu cum reliquis Episcopis in Germania, unitis animis ac conciliis et omni opera tum per vestram pastorem auctoritatem, providentiam, doctrinam, tum per alios adjuutores vestros, quorum fidei integritas ac doctrina vobis perspecta est, a mentibus cunctorum fidelium vestrae curae commissorum atque in primis catholicorum juvenum qui in scholis erudiuntur, arceatis pericula labefactandae fidei catholicae; ac quantum per divinam gratiam valetis, omnes imbuere ac confirmare studeatis in obedientia et amore erga sanctam Matrem Ecclesiam et erga beatissimum Petrum, super quem Christus Redemptor ipsam suam aedificavit Ecclesiam.

Quoniam vero neque qui plantat est aliquid, neque qui rigat, sed qui incrementum dat, Deus: die ac nocte extollamus manus nostras ad Deum, unde veniet auxilium nobis; imploremus intercessionem immaculatae Virginis Matris Dei, Principis Apostolorum Petri et Coapostoli ejus Pauli, aliorumque Sanctorum Ecclesiae triumphantis, ut Dominus respiciat Ecclesiam suam in terris inter tantos labores et tanta pericula militantem, eam tueatur, donis suis coelestibus amplifcet et exaltet; ut qui fide stant, confirmentur et augmentum faciant in charitate, qui autem fracti sunt rami, iterum inserantur, sicque omnes in Una, Sancta, Catholica, Apostolica Romana Ecclesia ad Deum perveniant, et in Deo pacem habeant et salutem aeternam. Ut hunc laborum ac vigilantiae pastoralis fructum Deus pro grege Tibi commisso concedat uberrimum, divinae gratiae auspiciem et praecipuae Nostrae erga Te benevolentiae pignus, Apostolicam benedictionem Tibi ipsi, Venerabilis Frater, omnibusque fidelibus Tuae curae concreditis toto cordis affectu impertimur.

Datum Romae apud S. Petrum die 28. Octobris anno MDCCCLXX.

Pontificatus Nostri anno vicesimoquinto.

**PIUS PP. IX.**